

列
朝
詩
集

列朝詩集

甲集前編第士
補詩

饒右丞介

松石軒

在吳城中

蒼松鬱鬱石嵯峨上下因依有女蘿虎魄凝流千歲少羊羣分跪一峯多
所須爲地期相向遂以名軒示不磨賓客定如東閣盛或來醉臥或吟哦

劉左司仁本

南宋故內懷古

山林微雲鎖鳳腰御溝流水海鮮橋西番杖錫居中闕南渡衣冠盡北朝
九廟山陵孤塔雨千年城郭半江湖向南古木何人墓岳將忠魂黯未消
大慈寺史丞相墓

山行十里亂峰迴相國墳塋紫翠堆石馬秋風雨翁仲杜鵑春雨幾亭臺
慈雲塔下蒼苔滿旌德觀前紅杏開爲憶當年尊萊美短蓬萊末過湖來
宮詞

舞靴輕轉玉階前憶昔承恩已十年記得當時供奉曲上皇新自月宮傳

列朝詩集

甲集前編第十一

吳待制志淳 一十一首

顧縣尉觀 六首

以上鍾仔肩皇明雅頌三人

錢提舉惟善 九首

丘郎中民 二首

魯博士淵 一首

張典寶璧 二首

余提舉詮 二首

吳戎幕哲 七首

葉主簿杞 五首

董僉事紀 四首

王縣丞澤 一十一首

鍾司令儼 一首

孟待制昉 一十三首

陸進士居仁 二首

全殿學思誠 三首

林泉民張樞 二首

王教授暇 二首

周處士之翰 二首

孫教授華 四首

朱舍人芾 四首

顧侍郎或 五首

鄧 洪 五首

沈 鉉 三首

董微士佐才一首

程縣丞煜二首

鐫堦一首

徐津二首

俞庸一首

李鄜州堦一首

鐫原俊一首

以上賴良大雅集三十有三人

高相椽明二首

束宗庚二首

繆侃二首

以上顧瑛草堂雅集五人

王太守立中三首

以上西湖竹枝集一人

余司馬堯臣一首

雷處士睿一首

唐珙二首

邵臺椽思文三首

袁舉二首

俞俊三首

覽李至剛一首

范立一首

唐元二首

束宗癸一首

顧敬二首

宋侍書克二首

呂道士敏七首

以上高啓北郭十友四人

陳季廉則五首

萬鎮撫白一首

以上皇明雅音一人

胡梯三首

以上朱存理鉄網珊瑚一人

李曄三首

顧亮一首

李費一首

以上程慶琬聲文會選三人

吳會七首

王翊一首

游莊二首

王中一十五首

陳安三首

鐳廉一首

以上許中麗光嶽英華六人

鄭昂二首

陳訓導燧二首

吳學禮六首

徐淮五首

沙

可學二首

以上東甌詩集六人

李廣文延興二十五首

甘布衣復三首

葉樵雲頌五首

以上別集三人

徐

舫二首

以上睦州詩派一人

張

洙二首

馬

弓二首

處士養晦附錄四人

方布衣炯一首

吳待制淳淳

志淳字主一以字行無爲州人以父

徙家豫章徙居鄞之東湖奏除待制

趙

次誠三首

李徵士存一十二首

華布衣幼武四首

朱朝列希晦二首

盧

煥一首

錢

岳三首

郭處士完

已上別集附錄七人

歷官靖安都昌一縣簿濠泗兵起

林爲權倖所阻入國朝遂不仕主

一工古隸學孫叔敖碑劉仁本贈隸書吳判簿云草隸競推吳太史以其先官縣簿後除待制也

兒牧牛

兒牧牛豐林清潤縱爾遊長鞭短策莫輕舉從渠飲嚙飽卽休老幼年年仰衣食耕種田園藉牛力早夜單衣自飯之祗恐春來或牛瘠日日丁寧語牧兒老翁餉爾當及時籠禽吹笛任相學慎勿將牛嘗苦之牛不耕田廩無粟淮上三年食人肉

春日遣懷二首

四顧山河歸一統明君文德似唐堯幽燕地濶干戈息吳楚春深雨露饒中古衣冠存舊制南來律令有新條腐儒擊壤茅簷下爲擬謳歌答聖朝貧病相兼氣未舒田園雖少樂耕鋤爲儒已入他州籍垂老頻收故國書夜雨湖山人去後春風門巷燕來初潘生喜遂閒居志阮藉從教禮法疎

夏日園中清暑二首

青山地僻車馬稀十載倦游歌式微傍溪卜築面流水拂石展簟消炎暉老翁過從就蔬食幼女補綴成絺衣西亭去家苦不遠日暮共逐漁樵歸

東湖萬頃波渺茫人家多在雲水鄉竹枝調短阿家女桃葉歌長何處郎
疎林歸鳥度花影近水流螢浮竹光東山坐待月已出不覺涼露沾衣裳

春游三首

湖上輕風吹柳絲湖邊細雨濕花枝百年總有三萬日一日都來十二時
杜老每尋崔氏宅山翁偏愛習家池乘閑取醉真吾事度水看花也自奇
山中蘭麝香滿林故人清遊能遠尋燕來已覺社日近寒退始知春意深
山光入眼凝遠翠華影到湖生夕陰慈雲只尺不一去薄暮還家空復吟
上日開筵曲水濱年年相憶在茲辰千家榆火催寒食萬點楊花照暮春
紫燕却歸尋舊主黃鸝到處喚遊人東來巢父如相問爲覓風流賀季真
鄭元明高啓文携友人所畫谷口圖訪予湖山未幾啓文先入城
府元明獨畱僧舍一月講明古今詩文墨制及秦漢以來書法
歲晚將歸永嘉賦餞

竟日過從喜有餘蕭蕭行李借僧居江雲影落山窓靜野水光涵夜月虛
石曰松烟和露擣寒林柿葉帶霜書天涯回首多離思空有新詩獨起予

題小山水景二首

十年小隱在青山喜有東湖屋數間門外白雲常在眼此身渾似釣舟閒
小舟何處問通津二月東湖柳色新老向天涯頻見画一枝曾折送行人
存參詩話云晚涼浴罷閒無事水閣東頭看月生此吳主一得意之
句也惜不得其全什附識于此

孟御史助

昉字天暉本西域人寓北平至正十二年爲翰林待制官至江南行臺監察御史陳基孟待制文集序云翰林待制孟君砥礪成均敷歷省臺張光弼集多載與孟天暉西湖往還之作蓋天暉自翰林出歷官江浙亦在江淮兵亂之後入本朝未詳所終

十二月樂詞并引

凡文章之有韻者皆可歌也第時有升降言有雅俗調有古今聲有清濁原其所自無非發人心之和非六德之外別有一律呂也漢魏晉宋之有樂府人多不能曉唐始有詞而宋因之其知之者亦罕見其人焉今之歌曲比於古詞有名同而言簡者時復亦有與古相同者此皆世變之所致非固求異乖諸古而強合於今也使今之曲歌於古猶古之曲也古之詞

歌於今猶今之詞也其所以和人之心養情性者奚古今之異哉先哲有言今之樂猶古之樂不其然歟嘗讀李長吉十二月樂詞其意新而不蹈襲句麗而不怕淫長短不一音節亦異傍遺冥思朝涵夕詠諧五聲以攤其腔和八音以符其調尋繹日久竟無所得遂輟其學以待知音者出而予承其教焉因增損其語而隱括爲天淨沙如其首數不惟於尊席之間便於宛轉之喉且以發長吉之蘊藉使不掩其聲者慎勿曰侮賢者之言云

上樓迎得春歸暗黃著柳依依弄野輕寒似水錦床鴛被夢回初日遲遲正
勞勞胡燕酣春逗煙薇帳生塵蛾髻佳人瘦損暖雲如困不堪起舞綳裙二
夾城曲水飄香掃蛾雲髻新粧落盡梨花欲賞不勝惆悵東風縈損柔腸三
依微香雨青氛金塘間水生蘋數點殘芳墮粉綠莎輕襯月明空照黃昏四
沿華水汲青尊含風輕殺虛門舞困腮融汗粉翠羅香潤鴛鴦扇織回文五
疎疎拂柳生裁炎炎紅鏡初開暑困天低寡色火輪飛蓋暉暉日上蓬萊六
星依雲渚濺濺露零玉液涓涓寶砌衰蘭剪剪碧天如練光搖北斗闌干七
吳姬鬢擁雙鴉玉人夢裏歸家風弄虛簷鐵馬天高露下月明丹桂生華八

雞鳴曉色瓏瑤鴨啼
玉壺銀箭難傾缸花
高城迴冷嚴光白天
日光灑灑生紅瓊葩
七十二候環催葭灰

顧縣尉觀

觀宇利賓丹陽人寓
素欲薦之館閣道阻

爲袁一無題

扇

月中仙子種娑羅樹
梨花睡鴨圖

昔年家住太湖西常

過吳淞江

過吳興罨畫溪水閣筠簾春似海梨花影裏睡鳬鷺

洞庭一水七百里震
輕風謾引漁郎笛落

澤與之俱渺茫鴻雁一聲天接水蒹葭八月露爲霜
日偏驚估客航我亦年來倦遊歷解纓隨處濯滄浪

金井梧桐月墜莖寒露湧廣寒霜重方池冷悴芙蓉
疑笑幽明霜碎虛庭月冷繡幃人靜夜長驚夢難成
碎墮瓊芳高飲過鍾日賞流蘇金帳瑣牕睡殺鴛鴦
碎碎迷空寒夜漫漫漏永串銷金鳳獸爐香霧春融
玉瑄重飛莫道光陰似水義和迂轡金鞍懶看龍媒

居紹興元季爲星子縣尉少攻詩從趙文敏公遊危
不果劉彥昂極賞其詩有秋露芙蓉之句

底遙山隔絳河吹落秋聲向何處紫簣牕戶晚涼多

太白醉歸圖

歌成芍藥倒金壺並轡官官馬上扶樂部餘音隨彩旆仙班小隊下清都
長庚萬丈文章焰後世千年粉墨圖江左青山舊時月一杯誰慰客墳孤

送劉彥英

江石衣冠如向日黑頭兄弟亦還家重經白下橋邊路頗憶玄都觀裏花
暮雨疎簾飛舊燕暖風芳樹哺慈鴉弓旌處處求巖穴未許行吟玩物華

吳彥明秀樾堂

出郭卜居何所似杜陵浣花溪水頭檉林吟風草堂靜桺樹接葉茅亭幽
每從圖史慰岑寂復有琴尊陪燕遊平生我亦愛清賞他日訪君須買舟

錢提舉惟善

惟善字思復錢塘人至正辛巳鄉試出羅剎江賦鎖院三千人皆不知錢
塘江爲曲江思復據枚乘七發引用因此得名遂號曲江居士官至副提
舉張氏據吳遂不仕退居吳江筒川與楊廉夫唱和有句云笠澤水寒魚
尾赤洞庭霜落樹頭紅又云漢史丁公那及齒陶詩甲子不書年蓋感時
事也已而移居華亭洪武初卒葬于干山

送賈元英之昭潭

昭潭遙望九華山，弓馬蕭蕭日暮還。
夢裏無題惟寄內，胸中有策欲平蠻。
落花閉戶眠黃犬，明月開籠放白鵝。
絳灌何曾輕賈誼，早隨鸞鷟入朝班。

故宮春望次平禹成韻

登臨休賦黍離章，千里江流接大荒。
劍鎖血華空楚舞，鏡埋香骨失秦粧。
薜蘿山鬼啼瑩苑，荆棘銅駝卧鹿場。
寂寞萬年枝上月，夜深猶照舊宮牆。

喜白髮爲陳師復賦

勳業無成散似檇，青銅欣見二毛初。
中郎興動秋風起，太傅詩成壯歲餘。
皎皎易汙時一沐，星星難染漫千梳。
等閑得此無情物，自有忘憂滿架書。

和趙季文山齋早春

落梅風細小牕寒，石上餘香點點斑。
不惜壺觴千日醉，只愁庭館一春閑。
澗雲生白元非雨，江樹排青更有山。
携取畫圖溪上去，鶴聲應到夢魂間。

晚雨過白塔

宋宮傳是唐朝寺，白塔崔嵬寢殿前。
夏雨染成千樹綠，莫嵐散作一江煙。
蒼苔門外銅鋪暗，細柳營中畫角傳。
寂寞葫蘆宮井畔，野人拾得舊金鉤。

西湖竹枝詞

三首

貧家教妾自當壚馬
上郎君不敢呼折得荷花待誰贈葉間紅淚滴成珠
春日高樓聞竹枝梨
花如雪柳如絲珠簾不被東風捲只有空梁燕子知
日暮天寒野水濱孤
山愁絕四無隣誰家處子如冰雪行傍梅花不見人

篆家歌

有序
雲間善篆以所書瘞
之細林山中題曰篆家爰來徵詩遂賦長句以寄雲
間者朱芾孟辯也又見黃佐才詩

包羲卦畫龜龍出頤
脩造書鬼夜泣俯觀鳥獸迹依類象形文字立
以迄五代咸東封改
易殊體靡有同周官保氏教國子六書大義開羣蒙
太史籀文古少異小
篆從省由秦始倉頡爰歷博學篇三家著述初傳世
秦燔經籍獄訟熾乃
當隸書趨約易古文雖絕漢章行尉律學童仍課試
東閣祭酒太岳孫鳳
嘗受業賈氏門憫悼俗圖昧所向博采籀古加討論
揭示上下明指事轉
注假借形聲意立一爲端亥畢終分別部居不雜廁
亘千萬古知字原昭
若列星麗躔次中興斯學曰陽冰入室操戈何背戾
二徐訓釋浩江河仲
也祛妄言不頗徐楚金著祛妄辨李陽冰之誤吳興

張有爾傑出復古正俗訂舛訛布衣道士錢道住玩世端如郭忠恕三十
六舉僅成篇蟬蛻遺蹤不知處席中如帶惡安西鼓皮離禹良可吁漢家
去古尚未遠成臯印文猶重摹雲間苦嗜古手校科蟲辨魚魯明牕靜几
風日佳臨模一掃千番楮商彝周鼓真吾師蟠匱沉著沙畫維鸞迴鳳翥
龍夭矯長戈短劍相交馳書草日積充棟楣保愛何啻壁與珪細林山中
一坏土細笈緘滕重閉之於乎襖帖藏玉匣終致溫韜舉萊重亦恐虹光
夜燭天定有竊開窺筆法豕頭草鳴寒蛩蘿文瘞筆同高風後三千年見
白日好事應營馬鬣峯

陸進士居仁

居仁字宅之華亭人以詩經中泰定丙寅鄉試隱居教授自號雲松野褐
與楊廉夫錢思復游歿同葬千山東麓號三高士墓

楚人弓

楚人弓懸兩石五十萬矢陷強敵絳人弓箭三隻長歌入關成偉績多箭
不如少箭力制敵若在弓矢間鳴條牧野高於山鐵崖日斷史入詩箴警
多矣

國馬足

國馬足吉行五十轡如沃天馬足一日千里更神速國馬天閑飽芻粟太行鹽車天馬哭

丘郎中民

民字克莊江都人洪武初爲松江府學訓導殷孝奎集有蹋雪入汴城訪丘克莊郎中詩顧祿謹中曰今年十五游郡庠當時爲師者全公希賢丘公克莊楊公孟載貝公仲瑒魯公道源包公叔蘊皆一時名士由是慕學之士自遠而來十餘年無慮千數松江一時文風之盛不下鄒魯松江志云洪武初楊孟載爲松江府學訓導與丘克莊全希賢同官當時分教有司得自延聘皆極州里之選後皆至大官全禮部侍郎楊亦至按察使余按全爲學正與陸宅之錢惟善往還見王逢寄希賢及錢陸詩似在元季非國初也楊孟載辭丞相府記室去爲饒介客吳平籍錄諸陪臣安置臨濠本集及高季迪詩備載始末未聞其僑雲間爲學官也國初之事記載錯互其未可盡信如此

送友人之杭

又隨南雁度錢塘不道并州是故鄉江上秋風蕙葉美山中春雨石田荒
杜陵老去寧忘蜀江總歸來不是梁欲采芙蓉贈君去錦雲零落倍淒涼

周玄初祈晴詩

開逢歲之半白浸白如烟野人不敢出封戶聽雨眠夢跨蒼精龍六丁相
後先手持五色石直欲補漏天剛風忽引去天門方洞然忽見一道士青
眉長娟娟綠章竊紫霞稽首上帝前上陳太守辭下述萬姓瘼稂無一尺
苗潦涵累百廛陰霓走白日黑蜮噓長川百怪不自闕三光何由宣帝怒
叱力士磔裂無畱連卽遣東王公高掣羲和鞭金雞倪驚覺日出博桑顛
全殿學思誠

思誠字希賢華亭人洪武十六年以耆儒由本郡學正徵授文華殿大學
士思誠固辭翼日賜勅放還

次雲林韻寄孫君實

腐儒筆耕豈謀生與世濩落獨高情綠尊有酒誰共醉素琴無絃聊自橫
湘簾在釣月常戶羌笛惱人花滿城幽居不知春事盡見客只言詩未成
題趙魏公秋林曉行畫卷

王孫愛畫心獨苦下筆天機妙今古涼風蕭蕭涼日落蹇驢載我出林莽
黃葉打頭秋滿身青山對面如故人不須覓句灞橋雪何用旅食京華春
憶昔玉堂供奉日一二詞臣同夜直青綾被冷露華濃金蓮燭殘河漢沒
雞栖樹底聲喔喔鶴立螭坳望珠箔鳬鷺散亂不成雙歸老林泉有餘樂
臨風掩卷老淚落此畫此人那可作

送王元章北游

我從越中歸山水猶在眼賀湖天寒水鑑淨禹穴木落雲氣暖夢中往往
復登臨萬壑千岩姿蕭散故人山水窟中來題詩直上姑蘇臺酒酣目力
隘宇宙少年筆陣排風雷謝公屐齒小吳越北望中原更奇絕終南太華
青未了桑乾之陰多積雪送君出門歌遠遊自笑把鋤空餽牛功成歸來
尚黑頭訪子却覓山陰舟

魯博士淵

淵字道原淳安人前進士初任華亭縣丞道經新安爲徽寇所執守死不
屈逾年始得脫累遷浙西副提舉張氏稱王擢博士國初應召與梁寅同
在禮局辭還山卒王逢贈詩云相期文苑傳獨立義熙年亦有元遺民也

題馬文璧秋山圖爲盧仲章賦

野館空山裏林泉象外幽
淡雲初霽雨紅葉早驚秋
路轉山藏屋橋危岸倚舟
直疑人境異便欲問丹丘

林泉民張樞

樞字夢辰陳畱人徙家華亭築室曰讀書庄與諸弟唱和爲樂兼工行楷
陶南邨贈詩云幅巾短杖林和靖斗酒長篇李謫仙又云寫書竹簡拈鮮
碧臨帖箋藤寫硬黃可想見其風致也貝瓊作林泉民傳云陳畱張氏子
夢辰居華亭之城東門日與子弟數十人講春秋或勸之仕不應人是以
高之稱曰林泉民年八十餘乃終

送友之戎幕

金吾上將開東閣白髮叅軍起曲阿
嚴武故人唯杜甫馬周知己獨常何
龍蛇久闕纏兵甲鴻雁高飛避網羅
慷慨平生兩行淚哀時更比別離多

秋興

戰關河血未消將軍誰是霍嫖姚
中原版蕩悲周室西楚紛披屬漢朝
甲帳珠簾非昨日玉樓金屋麗層霄
兵塵滿眼歸無處愁絕秋風柰萬條

張典寶壁

壁字景辰夢辰之弟洪武三年鄉舉除潞城知縣終蜀府典寶

嘉禾

城樓倒影落湖波湖上風帆鏡裏過歸客自炊菰米飯小娃爭唱竹枝歌
梭頭艇子輕於葉雪色沙鷗白似鵝此地將軍戰時血春來丹漬蘚痕多
橫溪

扁舟東來歌扣舷四顧雲水心茫然蛟龍見窟不見唾星斗滿身如在天
打鼓賣魚江雨歇看山濯足溪風顛解衣典取酒一石醉伴忘機鷗鳥眠
王教授韻

韻字伯純河東人由鄉貢擢松江府學訓導因寓華亭張太尉辟常熟州
教授辭嘗護祖父妣三喪自維場還葬洪霍山鄉里推重

送秦東海法師遊上清

爲愛仙山絕世氛蒼苔寂寞路難分白羊歲久渾疑石瓊樹春深半是雲
洗藥泉香龍蛻骨吹簫臺迴鶴成羣隱文祕訣無人識我欲相從一問君
寄倪元鎮

赤水丹山隔兩塵麻姑書信莫辭頻久知鴻寶飛騰術獨許青雲磊落人
賓戲能消春晝永茗香聊試石泉新東風回首毘陵道重擬携書與卜隣
余提舉詮

詮字士平豐城人至正間爲江浙儒學副提舉洪武中僑居崑山

春夢軒

池青草色暖蝶曉花枝滿花滿復花飛春歸蝶亦歸蝶歸春杳杳春夢何
時曉推枕看東風幾人春夢中

送張德常之松江判官

萬彙涵濡雨露中百年文物慨飄蓬鱈魚獨擅吳中美驥足寧如冀北空
所瞻幾時酬楚國里閭從此變王風吳淞江水秋無底好與使君襟抱同
周處士之翰

之翰字中甫華亭人博極羣書尤精易學自號易癡道人兵興隱居神山
頽然長身松形鶴骨終日談經論史典故疊疊不竭晚年游涉老莊竺乾
等書卒年七十有六楊鐵厓云吾在九峯三泖間有李五峯張句曲周易
癡錢曲江爲唱和友

送馬秋野千戶出征淮西

霜原鼎鼎秋草衰西風獵獵吹大旗酒酣仰天數過雁落日滿地青山低
時艱不作昇平夢半夜困龍匣中動此行乘雪蔡州平書生擬獻平淮頌

寒夜擁爐餅梅枯凍戲爲作下火詩

寒勒銅餅凍未開南枝春斷不歸來這回不入梨雲夢却把芳心作死灰

吳戎幕將

哲字子愚華亭人號淡雲野人嘗出佐戎幕歸教授于鄉至老不倦

夜雪有懷范玉厓叔中朱滄洲孟辯

江南地薄雪併寒綠江矮屋茅復單析薪束緼空燎眼春陽不暖先生槃
田家利酤常苦酸東家爐頭量子寬山公八斗焉足醉少須暫解雙觥
門前柳花飛作團瑤田珠樹森闌干鄒枚僵卧竟不起對此欲賦誰同
南州俊髦陸與韓躁進誤刷凌雲翰售才阮生急一官肉眼不肯空曹瞞
滄洲渺瀰玉厓嶢峴二仙者流同余肺肝進直任公鈞退屑淮王丹宗儒
唱導富儒學妙幹造化歸豪端迺謂仲尼顏子不死亦易事忍見後天日
月凋雙丸今夕復何夕三山皆白鷺我欲邀二仙授簡發漫汗仙兮素愛

我御風諒非難戒兒預沽客一石此醉要吸六萬頃水壺乾

題豫章鍾孝紀所藏米元暉畫卷時久得東吳消息

淞陽之居何處尋展卷聊復尉幽心門前鷺去事畢屋裏雨鳴江樹深
微茫漢月墮燕草窈窕吳歛成越吟南宮仙人獨不死白雲我我蒼山岑
遺興答李道源

徒步何憂髀肉消賦歸無待楚辭招摩娑藥籠三年艾渡落人寰五石瓢
簑笠雨淹滄海釣斧斤晴趣白雲樵遊仙枕上西池月轉覺東華曙色遙
丙申三月從平章左公總戎臨安過南山訪楊鐵崖先生時谿漲
馬不克渡延佇口號

旂旄晨趨十萬軍衛青幕府事紛紛卧龍不遠滄溟窟走馬來看館閣文
春過名山花亂落雨晴飛濕路難分先生高伴洪厓嘯獨向溪邊望白雲
七夕漫成

烏鵲梁成歲一過靈風此夕度鳴珂驚斂再合聯金股牛渚重來失素波
巧落人間徵應少愁歸天上別離多迴車月黯無消息香霧霏霏奈爾何
過裏洋河

裏洋河何湯湯奔流百折到瀧岡砂礪灣灣里路長船頭照見落日黃愁
雲低沒雙鳬翔檣鳥孤征心徬徨遙空半作明月光涼風忽來吹我裳荻
花夜白含清霜裏洋河思故鄉

小孤山俗謬爲小姑上有聖母廟像在焉

中流玉卓迴無羣大海雄藩自楚分宋高宗大書額其厓曰海門第一關
絕頂薰蕕常蔽日靚妝樓閣不藏雲孤根閣直龍棲宅亂水平鋪鳥篆文
我欲維舟明月裏爲神鼓瑟候湘君

孫教授華

華字元實永嘉人僑居華亭年十三郡守課諸生春陰詩操筆立就落句
云柳花只在斜陽外不肯分明過小橋守大奇之誦經考史以博雅聞尤
好岐黃家用薦爲醫學教授有旨待詔尙方辭免江浙請署使庸田亦不
就好修潔戴折角巾衣鶴氅衣望山臨水步趨翛然所居小閣列古彝鼎
法書名畫焚香靜坐終日書非佳墨熟紙不作飲饌非精潔不食士非賢
不與交年八十餘楊鐵厓贊其畫像猶以白首非熊期之

鳳山懷古三首

宋家事業如漢晉遺史班班今尚存南渡衣冠元帝紀中山廟社靖王孫
海門龍去秋潮橫宮樹烏啼夕燐繁已恨無人似諸葛生憎何物學桓溫
王氣中流甲馬營殘星還遶鳳凰城斯文自可同三代諸老猶能語二京
穉帝有車將白璧太皇無艦載蒼生只今薄海漸聲教共戴堯天樂太平
天兵歷境陳宜中啓請太后欲請三宮浮海且云舟航已具后日臨安十
萬百姓能盡載否遂迎王師

莫向登臨起嘆吁故宮今是楚王都麒麟駁娑荒荆棘鸚鵡頻加張苾芻
葦道久無黃曲蓋寢垣誰置白浮屠望江亭子依然好時有胡僧置酒壺

楓橋夜泊

畫船夜泊寒山寺不信江楓有客愁二八蛾眉雙鳳吹滿天明月按涼州

葉主簿杞

杞字南有京口人讀書負材詣前太史楊瑀守建德辟掾辭兵興會進士
及第李國鳳經略南土密陳時事十條李嘉納所言遙授進義副尉鎮江
路丹徒縣主簿將別任之而柄移藩鎮矣有別業淞之吳滙築草堂魚鱗
涇上扁曰漪南王逢爲漪南草堂辭曰仁義是漁兮憺口腹腹不人累兮

人誰吾辱

感衷二十四韻記虜虜征高郵召還事

貢賦通重譯耕桑被九垓歛驚氛稷滿不謂歲時催丞相興師出綸音降
使開紫泥封五采黃道繞三台燁燁宣光業桓桓李郭才陣雲連朔野
略定風埃香糯江南餉葡萄隴右酷馬羣金匱匪毳帳雪迢迢劔動彭城
潰珠還甕社來長驅危破竹密令疾斨枚王者征無戰羣雄勢欲摧忽
君命召竟勒將旗回中夏捐雞肋濟朝隱鵠媒義聲從此逝銳氣一時
天迴威弧弛城孤畫角哀火狐翻嘯聚海鱷復喧逐歛附真遺患除封
寶戲孩民情猶耿測天討尚徘徊憂憤飛神爽瘡痍映淚腮衣徒倚注
肉食自輿僂河漢明如洗崑崙豈易頽孰矜黃鵠志羞上野鷹臺微效
寧無念篇詩信漫裁霜晴野空闊獨立望蓬萊

輓樊叅政諱執敬

中臺侍御新叅省南紀妖星正合圍主將向來推和族漢人那得預戎機
戈麾落日先身死雲慘青山未骨歸惟有鄂王雙羊木歲寒河水遠含輝

輓楊員外諱乘

太息南冠久陸沉百年風節見于今王嘉不就公孫詔朱泚寧移秀實心
遼海有靈歸夜月荒原無樹着秋吟不知江漢新降鬼曾憶天朝雨露深

輓楊左丞

諱完哲

馬首星河半壁天東南保障豈徒然越陀新拜中朝命吳會重頒至正年
故土未歸師竟老長城雖壞能全碧梧池上蹲孤鳳他日應慚義鶻篇

輓余忠愍公

淮江風急鳥蛇空特立旌旄板蕩中萬里孤懸班定遠滿城忠烈漢臧洪
瓊林星漢回文運皖國雲山誓武功尚憶繡衣行部日遺民揮涕浙河東

朱舍人芾

芾字孟祥以字行華亭人才思飄逸千言立就工于草書篆隸鐵雅門人
也洪武初以徵聘至官編修改中書舍人

賦得秦淮送宋仲珩

春漲曉沄沄空明澹孤嶼中流送行舟綠波渺南浦鷗從青鏡下人立滄
溟語素縠漾涼颺圓紋散疎雨桃葉懷舊題後庭歌弔古因之寄離情前
洲采芳杜

寄張子政

野政老人隱者流清溪遶屋似愚溝自編蒲葉作素簡時瀉松花洗玉舟
仲連未遽蹈東海孺子還復栖南州別來清事想不廢詩成應畫李營丘

自題蘆洲聚雁圖有序

夜牕剪燭聽雨偶閱叔升錢君所畫古木寒鴉小景因寫蘆洲聚雁以妃
之黃德謙曰似瀟湘水雲景也昔年過二妃廟今復觀此圖恍若重游但
少苦竹叢深耳予遂添叢篠中其間殊有天趣併賦詩一絕云甲寅春三
月修禊日朱孟辨在西掖記

夜牕聽雨話巴山又入瀟湘水竹間滿渚冥鴻誰得似碧天飛去又飛還
爲志學聘君題惠麓秋晴圖 甲寅立冬日

第二泉頭坐晚晴滿林松籟雜谿聲滌煩老去盧鴻一謝俗歸來衛叔卿
未必茶經隨火化擬尋茅屋待春耕卧遊畫裏違清賞裊若它年石上烹
董僉事紀

紀字良史上海人詞翰俱佳與陸宅之吳子愚相頡頏洪武初官江西僉
事尋引疾歸有西郊笑端集

短歌行

山鳥日日喚提壺勸君酒盡須更沽千金五花不足惜莫計囊中錢有無
人生百歲幾時好大是愁多歡樂少朝見開花暮落花昨日朱顏今日老
爲君起舞爲君歌當年不樂奈老何

題友人山居

煙蘿寂寂蔭柴扉路入蒼苔一徑微江燕定巢來自熟岩花結子落還稀
修琴有制先抄譜沽酒無錢更典衣采藥山童終日去夜深常與鶴同歸
海屋爲壽古鼎賦

絕句

海上高僧屋數椽珊瑚碧樹繞堦前過橋雲磬天台寺泊岸風帆日本船
龍女獻珠來供佛鮫人分席與參禪百年劫數如彈指眼見桑田幾變遷
小徑斜穿入竹林曲闌通轉亞花陰牆隈勢逼風如旋落地殘紅幾許深
顧侍郎或

或字孔文上海人舉明經爲鄉邑訓導與錢謙賴良結詩盟國初累官戶
部侍郎

無題二首

灤河還國世還淳
職貢梯航罔不賓
珠樹木難災土物
紫駝黃鼠朔方珍
雕題火老鍤金珥
漆齒酋王冠玉麟
荒服年來朝覲絕
包茅貢入竟何人
百年功業自天開
化洽周南陋漢才
朱鳥每從東海獲
白禽還自越裳來
繡衣玉斧嚴丹陛
袞冕桓圭列上台
政典有餘戎備略
秋風滿地獨興哀

客夜

露下碧梧白風生玉簾幽關河今夜客
天地十年秋鼓角悲新鬼衣冠憶舊遊
都將周顗淚灑遍黑貂裘

塞上曲

燕山蒼蒼塞土紫
雪花如沙月如水
穹廬酒暖貂裘濕
匈奴角聲全部起
將軍彎弓髮指冠
指墮馬蝟心不寒
士卒竝持蘇武節
酋魁莫作李陵看

滬濱壘

江迴原野闊海翻波濤起
征客期門歸吊古滬濱水
平疇麥草青蒞土箭鏃紫
月黑動北風塞雁聲在水

王縣丞澤

澤字叔潤號青霞天台人僑居山陰之江北里嘗爲華亭縣丞全室勑公
有送王叔潤詩云平涼來又去官滿復之官則叔潤任平涼非松華亭也

寄友人

我本東海人家住東海頭自從卅角時便向西州遊邇來西遊十九載夜
夜思歸夢東海此身厭逐戎馬間落魄唯存壯心在今年始欲向東還便
將歸老天台山相隨仙人養雞犬笑弄綠水桃花間况聞溪上桃已熟仙
女嬋娟面如玉春風綰結雙綠鬟舞腰解按山薌曲去年羣仙遙見招謂
予自是王子喬山中何嘗識酒禁日日爛醉吹璫笛昨日纔經四明道故
人相見驚絕倒間閨萬死得生還顏色還同舊時好忽聞天吳落海隅到
海要拾明月珠大風三日撼天黑海底吹折紅珊瑚洪濤如山老蛟怒白
日江臯塞煙霧仙山咫尺不得歸目送冥冥鳥飛去擢舟惆悵却西回側
望仙山心欲摧空懷帝子芙蓉闕遙望中天兩玉臺愁來昏昏枕書睡呼
酒狂歌不成醉丈夫出處真可憐往往長道不如意作詩爲謝丹霞仙金
堂石室無清緣有心未罷歸來約更待秋風海月圓是時方浴真據溫台
叔潤阻兵不得歸故作是詩

題十八學士圖

晉陽天人赤龍子按劍叱咤風雲起下嫌九土足腥穢欲將乾坤翻海洗
妖蟆射殺落九重日月再啓光瞳瞳十八文星爛奎壁玉堂高開連紫宮
天生奇才真羽翼南金大珠何足惜鳳凰笙管宴彤庭日聽四海歌太平
圖形更詔丹青手不獨雲臺畫將星君不見嘉家祖龍坑學士山下看瓜
同日死阿房壁土未曾乾艸綠官垣哭秋鬼

趙松雪八駿圖

趙家王孫擅好書更復畫馬如江都嘗從玉堂罷春直慣寫天馬隨監奴
馬來西宛龍八尺勢或怒驚如鵲立似疑初浴滎河波身上龍紋五花濕
王孫寫駿不寫形運思已入天機精都將臨池古書法落筆一掃千人驚
今逢此圖乃八疋老我見之唯歎息人間駑馬漫紛紛天上龍文誰購得
憶昨八駿登瑤池崑崙萬里天西陲風行電邁景恍惚翠綬不動天王旗
古來八駿雖已矣房星在天還不死雄姿伏櫪世豈無胡乃唯稱穆天子
姑蘇感事二首

百二山河已失扃孤城獨戰血腥腥覆蕉鹿在寧非夢
驛火孤鳴竟不靈

既與群雄爭帝鼎，忍隨降虜到皇廷。
致身早得歸麟閣，願共長驅下建瓴。
天星夜落水犀軍，又見吳宮走鹿群。
睥睨金湯徒自固，慄慄玉石竟俱焚。
將軍只合田橫死，國士寧無豫讓存。
風雨明年寒食節，誰上太妃墳。

徽宗畫瓶中桂花

玉色官瓶出內家，天香誰貯月中花。
六宮只愛新涼好，不道金風捲翠華。

此詩瞿宗吉詩話以爲徐幼文之作，今北郭集不載。

小遊仙三首

中山千日酒初醒，却愛玄都夜景清。
起坐天門吹玉笛，月中珠樹起秋聲。
東度扶桑看日華，却隨王母借鸞車。
夜涼海色平如掌，倒看青天起赤霞。
獨繞瑤壇歌洞章，青天如水月華涼。
閑將一掬芙蓉露，乞與神醴作雨香。

題畫

茂陵帝子好神仙，別起高樓入半天。
大望斷巢笙空外下，海山珠樹沒秋煙。

竹宮青鳥

阿母瑤池信不通，茂陵松柏老秋風。
野垣春雨叢篁綠，青鳥猶來認故宮。

蘆雁

拍天烟水接瀟湘
蘆葦秋風葉葉涼
何處漁郎夜吹笛
雁羣驚起不成行

鄭洪

洪字君舉永嘉人

白塔寺

江山襟帶尚依然
王氣銷沉已百年
八葉龍孫東入海
六宮綵女北歸燕
銅駝荆棘秋風裏
石馬莓苔落照邊
玉柙游魂飛劫火
五陵嘉樹不啼鵲

周玄初來鶴詩

洪武己巳

綠章朝帝駕雲車
白鶴從天下玉除
赤壁已無身後夢
丹丘應有寄來書
五鬣松陰秋落落
三花樹影夜疎疎
琴心三疊蓬萊淺
兩翼剛風響佩裾

題已上人墨梅

故園梅樹三年別
長憶看花溪雪晴
巧出疎籬更蕭散
近遭碧水更分明
楊州何遜足詩興
茅屋已公無俗情
畫圖忽見轉愁絕
遙想月華枝上生

嘉定嚴希德請賞梨花命妓行酒

瀟灑東園一樹春
雪膚冰骨玉精神
朝雲著處迷詩夢
暮雨來時想玉人
華屋洗粧歌小小
銀屏推枕喚真真
紫薇花下繁華處
芍藥荼蘼總後塵

幽致軒

花落晴窗燕拂檐
蔥牙蘭葉翠纖纖
幽谷與雲通小徑
清波田月映疎簾

劉司令儼

儼字敬思自號樗隱
錢塘人元世不仕
隱居西湖之上國
朝徵入修禮樂書
方與續編授廣東
市舶司令之官未
幾而卒

舟中漫興

青天縹緲吹雲衣
碧水顛倒插翠微
三家五家村舍出
一點兩點沙鷗飛
柳枝裊裊拂過艇
苔花斑斑生釣磯
風塵不到是樂土
莫怪往來城府稀

沈徵士鉉

鉉字文舉雲間人
世居郊外築室曰
野亭楊廉夫爲記
高青丘有贈詩

趙松雪故宅

故國西風王氣銷
珊瑚玉樹半漂搖
曾瞻東壁迴天象
故著南冠續漢貂
第宅空存森衛戟
墨池乾盡尚蘭苕
高情一去風流遠
夢憶簫聲第幾橋

放歌贈宋君仲溫

宋君曠蕩士儒服
非狂生筆掃千軍
陳胸藏數萬兵銛
豪破紙竟何益按

圖折禦分縱橫魚麗鳥翼談者易野雉家雞人目盲當時管樂已黃土白
壁往往遭蠅營荒城不啓塵四塞拔劍斫地浮雲行十年驅走向豪俠
人一諾千金輕低頭拜東野捐官識韓荆苦心爲知己嗜膽報仇爭輓輅
西入關裝刀從北征途窮亦知時不利俛首仰氣隨將迎蕭蕭破屋漏星
雨妻子顧笑形神清東家小兒誇褶輦西家老奴項領成爾獨胡爲味生
理長軀七尺誇人英城頭雨聲如建瓴泥汗厚地天無晴我畱君家醉十
日譴浪顛倒呼僂僂請君棄擲几上筆爲君拾畱角檠眼中世事如轉
目勿謂貧賤忘交情氣酣中熱雙耳赤細語向人肝膽傾玉壺擊缺歌浩
浩不作老腐吟嚶聲促君起望東南氣三台泰階何夕平我有長策君有
長纓危可安亂可寧慎勿輕受虞人旌慎勿虛看處士星丈夫事業須磊
落富貴逼君君莫驚

送仲溫先生還吳

江城蕭索西風起行逢故人驚夢裏直深自覺少容顏食盡惟愁拙生理
看君白髮何由得白髮相逢更悲喜羣力隨年老愈深詩思逼人鳴不已
每呼石丈卽低頭獨寶蘭亭誇死近來英氣減前時酒量仍非向來比

從渠門第沸如羹自保情懷澹如水城南只友高書記謝官歸來接鄰里
交游散落苦無多世事悠悠竟如此明朝忍去別江頭楓葉蘋花送行李
董佐才

佐才字良用王逢有題董良用徵士釋耕所詩

題華亭朱孟辨篆家詩卷

古初無毫楮義畫何絲傳孰知文字理已具河圖前神農洎蒼頡俯仰極
人天穗書與鳥書制分後先龜麟錫禹時盤銘著湯年岐陽紀石鼓史
籀稱獨賢矯若蛟龍蟠鬱若鎖鈕聯科斗隸行漆形體因自然一從孔壁
廢重爲經籍憐秦相約籀古槩次蒼頡篇小篆遂名家勁健含委妍登封
及詛神金石紛雕鐫下逮隸八分變化如雲煙漢經煨燼餘文教仍敷宣
保氏存六書學僮纔九千揚雄纂奇字杜林解探研繼蹟非無人意象莫
不全偉哉許祭酒蒐羅歸簡編墜緒賴復舉後學知相沿陽米克遠紹鉉
錯造其玄近代邵與周筆勢回奔川華亭朱茂才好古喜欲顛一掃世俗
書習篆忘食眠秦望并之翠碧落兼新泉小者案間列大者屋壁懸平生
囊橐貲多充買碑錢功深學既精齒壯志亦堅池魚染皆黑鐵硯磨將穿

摹搨累萬番期差古人肩師法正在茲什襲比蹄筌孫樵文自祭智永筆
忍捐前脩不我欺我癖尤難痊嗟峨細林山上與浮雲連譬彼汲冢書函
之瘞其顛聚土封若堂剝石表爲阡其陽碧樹交其陰書帶綠山靈謹訶
護有名如有仙揮灑人間者顯晦名非偏寶劍賈胡發玉柙蔓草纏何如
篆篆光夜夜映星躔錢惟喜篆家歌叙云雲間善篆俞允文撰崑山雜咏
疑其爲陸友仁今据董詩乃知爲朱孟辯也

畱瘠

瘠字若愚一字養愚括蒼人治經術攻古詩文居青田山中二十年出游
吳楚言肯又二十年歸隱于好溪有紫芝玄鶴著書九篇名之曰畱子

思親行寄弟子通

今年八月來作客出門倏忽日已百自從二十走湖海零落天涯幾岑寂
幾岑寂重悲嘆親在高堂望子還子在長途衣亦單淮擬明年作官食君
祿歸來共汝舞袖紅編爛天目之山去天不盈尺使我登之裴徊望鄉國
吁嗟胡不生羽翼吁嗟胡不生羽翼

程塋

煙字彥明揚州人寶坻縣丞

過太湖

擊楫中流去西風客思催地吞南極盡波撼北溟迴鮫館懸秋月龍宮起夜雷濯纓人不見長嘯倒金壘

題明皇並笛圖

華清宴罷卷霓裳重立東風並海棠鳳瑄莫吹新製曲有人乘月倚宮牆

唐珙

珙字溫如會稽人

題王逸老書飲中八仙歌

前朝書法孰爲盛蘇黃米蔡得其正法度難以晉魏論氣象可與歐虞並
宜和金書類臣稷筋骨通神工瘦硬大江南來萬幾暇翰墨留神縱天性
驅馳義獻走顏柳神遊八法輕萬乘昭回雲翰飛龍章幹旋天機揮斗柄
長槍大劍竟何用恢復有志還未定太平遺老羔羊翁草書時時發清興
天資自可凌汗漫筆力猶能造道勁年來神品不可得醉素張顛誇草聖
殘篇斷簡付覆缶玉軸才籤同棄甌摩娑故紙歎凋落老眼昏花猶可認

案頭我正理蠹魚晴好風窓几淨

過洞庭

西風吹老洞庭波一夜湘君白髮多醉後不知天在水滿船清夢壓星河

劉湮

湮字公坦江陰人

金時趙子昂食其秀異書小童二字順之遂自號小童工詩文指書法指教自守生正間辟仙府監磨不久謝歸

題章東孟山水

盧家公子稱三絕詩妙書精畫亦工落筆多宗董北苑高情不減米南宮天低碧樹春雲合潮滿滄洲暮雨空却憶買船同載酒城南山下醉東風

邵臺榭思文

思文字彥文元末為臺榭使吳藩

感興二首

同說昭王未築臺此生空抱濟時才青衫外史江南老白髮中官海上來自信文章追董賈可能游俠效鄒枚春風處處堪腸斷莫上層樓看劫灰鳳凰山下野花開又見東風燕子來主將深居營玉壘千官行樂載金罍裂麻解使陽城哭作賦徒令庾信哀多少高人隱屠釣尚推門第不論才

白塔寺感懷

浮屠千仞獨崔嵬
宮殿巍巍盡劫灰
玉樹已消龍虎氣
青山長繞鳳凰臺
城頭戰鼓連雲起
沙背殘潮帶月迴
萬里英魂歸未得
不思泥馬渡江來

徐津

津字仲盟江陰人

客懷

白雲回首暗巫門
綠髮蒼蒼碧眼昏
亂後情懷千日醉
故交文物幾人存
秋深狡兔先成窟
日落歸鴉尚識村
樓上風高笳鼓急
楚卿多有未招魂

哀李江州

強虜西來把漢旌
潯陽烽火照江明
朝廷重鎮推虞詡
風雨孤臣失杲卿
戰哭幾家思舊尹
鬼兵長夜護空城
王師百萬知何地
春草春波獨愴情

袁舉

舉字仲徵江陰人號浮游生

乙巳寒食

香風吹面東方來
櫻桃花發柳眼開
鸞簫聲歇幽蘭笑
十二樓前青爵呼

王母騎龍愁暮雲
碧桃過眼三千春
北山佳城久無主
寒食心摧淚如雨
自驚髮薄不勝梳
心事波搖爲誰語

舟過三江口

吳淞合流三百里
一幅蒲帆掛春水
青山繞船黃鳥啼
盤迴如在巴渝裏
沙上游龍滴血紅
風吹老魚浪花起
疑雲不流神嫗哭
萬古胥魂招不復
客浩歌誰相續
樓遲零落漸離筑
思家何處問迷津
鷓鴣聲裏垂楊綠

俞庸

庸字子中華亭人仕爲推官書法趙吳興

病起口占

憶昔辭家塞北游
朝來何事怯新秋
床堆藥裹塵侵几
風靜書牕月滿樓
伏櫪長鳴憐老驢
引杯含淚惜吳鉤
旌旗明滅西城路
落日長煙起暮愁

俞俊

俊字子俊號雲東庸之子也初仕麗水巡檢改判平江

楚州夜泊

漏鼓聲頻欲四更
野航燈火對愁明
城頭楚語驚鄉夢
船尾吳歌動客情

漠漠水雲聽雁度
瀟瀟風雨自雞鳴
離羣遠道何嗟及
未必江湖老此生

次高原朴見寄韻

年少簪花壓帽簷
飛觴走舛競春緘
空餘老淚青衫濕
遮莫新愁白髮添
生計有涯蚕上箔
公庭無事鳥窺簾
昔人漫說揚州鶴
自笑熊魚豈得兼

次韻俞仲桓見寄

白髮和愁取次生
關河千里故鄉情
自從秋雁南征後
日日淮邊問客程

李鄜州珣

珣字象賢雲間人
由府訓導授鄜州倅
于官于錦字至剛
以字行舉秀才累官禮部尚書
永樂中出知興化府

和友人過西郊韻

秋原脫蕭曠
杖藜荒逕微川迴
衆漚集天清
孤鶴歸寒煙
蔓艸密積雨
豆苗稀臨流
凝結構息軼
振塵衣

李至剛

題雲林畫

故家池館錫山阿
門逕寧容俗士過
清閤空詩社
散蛛絲
懸戶落花多

劉原俊

原俊字用章浚儀人

安將軍歌

安將軍紫髯鐵面多戰勳猛氣散作西山雲前年紅巾入城府赤子滿城誰父母將軍血戰城東門五百健兒齊奮武更有大郎猛於虎身屬橐駝寶刀舞匹馬奪橋入賊塢殺賊盡作河邊土將軍父子真有功今日渾如筆盡空將軍功豈不好弁山入雲青不了

范立

立字叔中一字中立錢塘人洪武九年有盧兗州輓詩

送蔣道士還太乙宮

青旄絳節拂瑤空羽士西歸太乙宮鬼母畏逢飛劍術龍公分送渡江風仙瓢酒熟醒還醉神鼎丹成老復童別後有詩憑鶴寄九峯只在五雲東

高相椽明

明字則誠永嘉平陽人至正五年張士堅勝中第授處州錄事辟丞相椽方谷真叛省臣以溫人知海濱事擇以自從與幕府論事不合谷真就撫

欲畱置幕下卽日解官旅寓鄞之櫟社太祖聞其名召之以老疾辭還卒于家

題孟宗振惠麓小隱宗振孟后之裔

汴水東邊楊柳花春風散入五侯家繁華一去江南遠閑汲山泉自煮茶

題支離叟

錢塘門裏支離叟短髮蕭疎色顰垢雪霜歲晚結輪囷風雨年深增老醜
挫葳蕤縹緲總無能欲與冥靈齊上壽天公怒此怪且嫺勅遣靈官下搜取
勾婁吉利忽飛來虎倒龍顛盡灰朽女蘿飄騰白鶴去琥珀迸裂青羊走
繁陰已逐謝仙車枯幹徒存韋偃手邇來好事猶痛惜嘆息形模無復有
寧知百年皆夢幻靜看萬變互紛揉榮枯相尋無已時成壞有數元非偶
南山誰信梓化特昆侖俄驚柳生肘朝菌何曾閱晦朔槁樸那知避新煥
全軀孰似櫟社樹絜之百圍今在否人生根蒂不可牢况爲艸木計近久
野客空嘆倚江枻老奴謾泣琅瑯柳寒煙落日西湖邊衰草荒廬園數畝
不見當時鐵門限春蚓秋蛇徒蚴蟻蠡玄雲飛盡墨池空直寄亭前誰酌酒

和李別駕賞牡丹

絳羅密幌護風沙莫遣牛酥汚落花蝶夢不知春已算鶴翎還似暖生霞
詩呈金字懷仙客手印紅脂出內家獨羨沉香李供奉清平一曲度韶華
唐元

元字本初姑蘇人讀書博雅有船號一葦杭圖書古玩離列左右浮游江湖
日哦詩其中自號葦杭子每過顧阿瑛溪上必繫舟柳下終日譚笑詩
見草堂雅集

東臯

曉晨步東臯春風襲杖屨溪流帶落花晴烟裊飛絮濯足竹邊泉散策松
下路幽禽忽驚起飛過溪南樹林深疑無人俄聞響機杼

虞山秋夜

迢迢秋夜長青燈半明滅樓鵲遶疎枝濕螢依腐葉谷虛振幽響室靜生
虛白數聲誰家笛吹墮西窓月

東宗庚

宗庚字章孟吳郡人兄弟並見草堂雅集

登善住寺新成閣得江字

高閣新成俯大江宏開雄麗控名邦宿雲不散連飛棟紅日初升射碧牕
日極蓬萊窮島嶼神遊閭闔見旌幟羣公此日頻登眺喜有清吟對怒瀧
題聽春雨軒

堦頭燕雨潤流添柳底鷗波已可漁斗帳沉香欹枕後青燈綺戶把杯初
不愁泥滑妨過騎喜有田歌起荷鋤明日雲開花滿眼好令童子具藍輿
東宗癸

宗癸字 吳郡人洪武間任華亭教諭

玉山草堂

草堂只在滄江上西戶馮虛野氣陰秋屐行隨苔逕曲舂船坐汎柳塘深
久聞好事歸時論復喜交遊盡苦吟我欲乘閒來問訊百壺送酒重論心
繆侶

侃字叔正吳之常熟人年少有俊才詩工玉臺小體書善楷隸侃父貞字
仲素好古博雅家有述古堂貯法書古物故諸郎多翩翩佳子弟也

和西湖竹枝詞

初三月子似彎弓照見花開月片紅月裏蟾蜍花上蝶憐渠不到斷橋東

兵後過訪顧仲瑛感賦

丙申十月

少年壯志已模稜憶舊懷親思不勝我父竟爲逃難客故人近作在家僧
身居亂世慚何補哭到窮途去未能相見莫論生死事且須泥飲盡寒燈
王大守立中

立中字彥強蜀之遂寧人南宋徙長洲晚年刻節厲行能以門蔭公子爭
秀作者之林元末爲松江太守入國朝致仕生三子璉字汝器璉字汝玉
璉字汝嘉璉吏部主事璉皆官翰林

絕句二首

梅粉凝嬌不肯添晚年籠暝壓重簷江南可是春寒甚十日東風不捲簾
碧波橋頭柳似煙越王城郭在西邊我家遶屋皆春水盡日鴛鴦隨釣船

竹枝詞

孤山梅花開雪中恰似阿儂冰雪容不學畫橋南畔柳春來容易嫁東風

顧敬

荀子思恭吳郡人早年衣貂裘馳百金馬市中爲彈射遨遊事洎長折節
讀書爲古歌詩凌轢時輩

雲林生畫林亭遠岫癸卯五月

雲林八法寫倪迂夏木幽亭翠幾株雨後長洲政如此騎駝山色近何如

贈婁東朱叔重

海岳菴頭積翠峯蒼松兩兩似遊龍要知米老騎驄去誰把雲山寫淡濃

余左司堯臣

堯臣字唐卿永嘉人早以文學著客居會稽越鎮帥院判適善卿參政呂珍羅致幕下與有保越之功薦剡文上無意仕進於越之桐桂里泊圃結茅署曰萊邁已而入吳居北郭與高啟張羽爲北郭十友卽所謂十才子也啟送唐肅序曰余世居吳北郭同里交善者惟王止仲一人十餘年來徐幼文自毗陵高士敏自河南唐處敬自會稽余唐卿自永嘉張來儀自潯陽各以故來居吳而皆與余隣於是北郭之文物遂盛矣羽續懷友詩序曰予在吳城園中與余唐卿諸君游皆落魄不任事故得留連詩酒吳亡之後與楊基徐賁同被徵謫濠洪武二年放還授新鄭丞此見於高啓會詩者也曰司馬又曰左司必東越鎮將版授之耿衡而今不可考矣

秀野軒詩

濕翠浮草芽空青散木杪輕舟理橫塘歸人渡清曉棲鴉返故巢潛鱗濯
新藻倒景淡斜暉迴颺蕩晴昊衡門夜不扃燕坐事幽討落葉秋自飄殘
花春懶掃我欲往從之稅駕苦永早揮手謝孤雲去去沒蒼徼

宋侍書克

克字仲溫吳人偉軀幹博涉書傳少任俠擊劍走馬彈下飛鳥見天下亂
學握奇陣法將北走中原從豪傑計事道梗周流無所合張氏據吳度其
無成藩府欲致之不能得闔門却掃工草隸時賦詩見志國初徵爲侍書
出爲鳳翔府同知家南宮里高啓作南宮生傳

秋日懷兄弟二首

秋至憶兄弟蕭蕭木落初如何去鄉國不見有音書漂泊全無定存亡半
是虛風塵幾時靖還似昔同居
相別幾多時相思泪滿衣家貧經難久世亂得書稀作吏誠全拙從軍事
亦非鄉心秋塞雁盡日向南飛

呂道士敏

敏字志學無錫人元尚胡服惟道士許深衣幅巾志學乃易服爲道士洪

武初爲無錫教諭十三年舉人才王止仲有文贈行

書雲林畫林亭遠岫

憶過梁溪宅于今向廿年賦詩清閣閣試名惠山泉夜雨牽離夢春雲黯
遠天鄉情與離思看盡其茫然

辛亥五月過弘道西齋重題

葱蒨夏林綠高齋方夕曛幽花垂泫露遠岫歛歸雲停簷風初至移尊酒
半醺明朝憶佳賞回首念離羣

題幼文蜀山書舍圖

雲鎖蜀山秋重來佛慧遊含毫得詩句題入畫中愁

幼文寫此蜀季廼賦詩于上衍師兄亦有追感之句幼文季廼皆物故衍
帥之北平國師余獨守職無錫冷署追古感今聊識此云丁卯五月重題

爲惠機長老題徐幼文寫惠山圖

天寒華表鶴歸遲隔世令人起遠思偶見漪瀾堂上畫猶看悟澹卷中詩
幼文爲道機長老寫惠山圖肆筆過麗清潤而帶書法幼文已矣而畫獨
存感嘆賦此幼文詩藏題悟澹集漪瀾卽惠山堂扁也無錫縣庠呂志學

題實洪武庚申七月也

寄高季迪

客館俯江郊秋深不自聊別來心更苦思去路還遙桐葉風俱落菱花雨
半銷何由似流水早晚赴歸潮

再寄高季迪

空谷白駒那可羈高踪祗欲慕天隨吳江日去應無恙甫里春來定有詩
花憶杏園携酒日雨思山館聽鶯時去年亂裏從游處肯信于今又別離

次韻郭仲經同登虎丘長句

山上樓臺山下城朱旗夾道少人行春風寂寞鶯花夢落日悲涼鼓角聲
古塚金精來變幻天池劍影墮空明老僧趺坐忘塵慮石溜何須恨不平

陳孝廉則

則字文度昆山人洪武六年以秀才舉任應天府治中俄進侍郎戶部以
閱實戶口調大同府同知復遷爲守則文詞清麗元季僦屋授徒以工詩
名于吳下高啓北郭十友之一也

題雲林畫

落花愁殺未歸人，亂後思家夢更頻。
縱有溪頭茆屋在，也應芳草閉深春。

朝真宮夜陪席鍊師

羅逕掩空扉，炎塵逐雨歸。
山明餘夕在，草暗一螢飛。
姮女鸞和馭，丹仙鶴羽衣。
焚香與默坐，初悟幻情非。

二月八日重游靈應奉簡席鍊師

昔年避亂久相依，今日重來却似歸。
客意欲隨春北去，雁聲猶帶雪南飛。
已多中國栖荆棘，不獨陽山死蕨薇。
倘向赤松方外住，願陪鶴從莫相違。

過獅林精舍

清境超塵格，松龕映竹開。
魚驚幡影散，鳥聽鉢聲來。
梵像敷蓮座，禪宗問木杯。
山僧不慮世，白髮也毵毹。

雨後過獅林精舍

當曉一鶯鳴，林收宿雨晴。
網殘蟲脫臂，蜂鬧蝶催成。
梅氣袞袞潤，香花佛座清。
迴廊僧不見，看壁自吟行。

萬白

白字孟素豫章人，建寧左衛鎮撫劉永之序。劉子高詩云：豫章萬白大梁。

辛敬襄城楊士弘秣陵周漬鄭大同皆以歌詩自雄子高與之馳騁上下
名聲相埒

秋興

北郭垂楊日夜凋
清秋登望旅魂消
半生江海同浮梗
何處林泉可棄瓢
奔走風塵雙鬢改
羈栖戎馬一身遙
數奇李廣蕭條久
短服轅門獨射鵰

贈播州田宣慰

先朝才傑濟時艱
使節分符鎮百蠻
鸞誥錦雲浮玉篆
龍媒香靶覆雕鞍
中流一柱當霄漢
南土諸蕃拱將壇
佇頌邊城勲業盛
凌煙圖像與人看

胡悌

悌字

人

明朝

明朝又上闔閭城
江上春潮一舸輕
過眼落花應有恨
傷人飛絮自多情
本因世亂依劉表
誰謂才多累禰衡
試問龐公歸隱計
南陽何地可躬耕

贈章伯高二首

其是多情惜歲華
故應美酒送生涯
金華細斲秋風鱗
玉髓新烹煮雨茶

每愛芙蓉依北渚還思蝴蝶過西家江南三月鶯啼過不信櫻桃未著花
平生豪氣慕西州莫怪眉攢萬國愁商皓不知秦正朔別人會紀魯春秋
新豐酒美春三月劍閣詩多歲一周中夜聞雞真起舞齊桓事業在營丘

李曄

曄字宗表號草閣錢塘人

秋宵恨

元序云荀卿賦篇於知雲垂歲之辭始隱而終露又疊以

應之予嘗愛其異偶值秋宵不堪旅次韻成七恨以爲一代之

新體云○今取二首

青蘋葉底聲蓬蓬當年曾號襄王雄秋高八月勢轉急忽來吹我茅屋東
令我夜坐難秉燭使我髮白成老翁吁嗟恨爾之秋風風
六月一滴不霑土連夜淋漓獨何苦紅蕉碧梧語葉上黃茅屋漏那能補
雞鳴膠膠天欲曙況乃蕭條在羈旅吁嗟恨爾之秋雨雨

八月辭

鯉魚吹長風曲池芙蓉老白天墜露涼濕螢滿衰草蘭房燈燼青獨宿知
秋早碧波弄明月自惜顏色好起按鴛鴦絃酸聲攢懷抱

顧亮

亮字寅仲上虞人鐵崖作顧孝子歌

此月氏王頭歌和楊鐵崖

月氏肉碎如雪月氏顙勁如鐵鐵崖曰只數語便破鬼膽快劍一斫天柱折雷取胡盧飲生血冒頓老魅呼月精夜酌葡萄酒月明鬼妻踟躕地號我天可汗天靈嗥嗥聲嘶酸於乎顙兮顙兮汝勿悲我今酌汝金雷犁黔州都督有血頂精魂夜夜溺中啼鉄崖舉節嘆賞曰說出月氏王一副枯骨作活潑潑底休箇語青塚妃不能宜諸宮羽者茲調宣之費憲兩生當讓一篇

李費

費亦鉄崖門人

月氏王頭飲器歌和楊鐵崖

太白入月月欲頽胡風吹度白龍堆鉄崖云一起便絕倒血面模糊截仇首牛腕刳作玻璃杯日背生紅酒微纈戎土胸膛沃焦熱奇語青氍帳下唱胡歌三十六國皆膽裂愈出愈奇金籠慨紅紅欲凝腦中猶作銅龍聲

眞孤精語千年古恨恨未平怨魄飛作精南精君不見漆身復仇仇未復
地下義人吞炭哭余讀費辭爲之慙几而歎費眞孤精也時和者稱張憲
明日費辭至憲拜之曰吾當放君一頭取已作而焚之

吳會

曾字慶伯

人

春晚

風雨春如客烟霞日似年鶯歌把酒聽花落抱琴眠樹暗藏書谷香流洗
藥泉好懷無處說誰與繫江船

江村

紅樹江村外黃蘆野水邊葉深風落地木假潑餘田雁鷺違寒日牛羊入
遠烟岸人連棘戶盡室避軍船

次韻奉題吳彥貞華林別業

郡城南去有華亭花木成林竹繞江照影鳳凰臨月鏡傳聲鸚鵡隔雲屏
分栽柳入陶潛傳點校茶歸陸羽經我亦延州老孫子對江相望樂清寧

題崇山劉氏園亭

西山三疊巒名巖亭上看山翠欲飄楊柳小樓風滿席芙蓉清沼水平橋
美人歌處傾金杓仙客來時度玉簫我憶醉眠花底月滿衣香露夜蕭蕭
送別陰陽教授

天官藝學久龍紛太史名家屬有聞寶曆敬時頒歲正銅儀窺夜識星文
鳥飛圭表移光影龍咽籌壺定刻分歸後更詳東井分五珠何日聚賢羣
題扇贈首坐

提來電掣風千里放下雲沉月五更舉似坐中三百衆定從何處有風生
宮人欠伸圖

舞困歌慵酒夢遲小欄舒腕轉腰時落花垂柳嬌無力都送春愁上兩眉
王翊

翊字伯良人

送趙文善之湘陰守

前代王孫夙相家于今出牧向長沙神龍正喜騰霄漢天馬寧容駐渥洼
江水流澌初閣棹岳雲點雪又催衙好懷忍向高人別折贈寒梅驛路花
游莊

莊字子敬

所聞有感

摩飛鹿走力難任
巡幸沙邊悔恨深
鳥篆未經嘶軹道
龍文先自徙汾陰
空傳行在淪孤憤
無復寰區遏八音
聖德神功俱泯滅
英雄千載一沾襟

聞宋子瑜端

朝辭幕府解戎衣
夕向空山覓紫芝
彈鋏自傷爲客早
折腰方嘆去官遲
蕭蕭白雁西風勁
采采黃花夕露滋
却憶江波垂釣叟
白頭猶作帝王師

王中

中字懋建

長門怨

昭陽歌吹入
獨自淚雙垂
玉貌無如妾
君恩復在誰
涼風搖繡戶
明月墮金闈
愁絕無人見
流螢點翠帷

秋日述懷

潦倒羈遊子
傷心兩鬢華
途窮唯有淚
世亂更無家
雨暗聞寒雁
風悲急暮笳
艱難今一饌
何處問生涯

天下兵常關山中客未歸寒鴻南度早星使北來稀草草年光度悠悠世態非自悲同社燕幾處傷人飛

黃家洲客舍留別

數載俱流落相逢鬢已秋生涯同寂寞書劍祇淹留沙闊隨天盡江平帶日流別離殊不悵回首思悠悠

田家雜興

烟火中林靜秋風歲律賒清霜催橘柚落日照蒹葭石逕通流水山橋卧古槎武陵元世境不必問桃花

閒居述興

老來真懶慢林下復無營樵牧通名姓禽魚識性情卧聞黃葉落坐看白雲生更愛茆齋夜冷冷風月清

懷方二叔子

閒說臨濠客幾年謫宦貧愛憎多異報消息定誰真得失雖由命才名實累身平生交契重東望苦傷神

病後述懷

杖藜初雨後試步夕陽時草綠驚春久山深得暖遲病多因識藥興短係題詩寂寞無人問平居有所思

泊鏡口

日暮風濤穩扁舟泊此隅雲山歸夢杳鄰舫語音殊片月寒江永平沙旅雁孤無才合漂泊不敢恨窮途

夜坐

歲事行將盡寂寥無所歡書燈茆屋靜山月夜牕寒旅況何曾好人情愈可歎亂離雖自苦垂老值艱難

山中滯雨

綠酒千鍾醉衰年百念闌山深茅舍靜春暮雨聲寒花事隨泥滓苔痕上井欄寂寥聞杜宇羈思苦爲寬

漫興

小齋清寂雨晴初養拙生涯偶自如夢裏屢尋芳草句病來慵寫絕交書鳥啼綠樹輕煙暖花落閑階過客疎却羨陶潛幽趣好長歌吾亦愛吾廬
初夏寄興

日長庭館倦琴書久病情懷偶自如苔徧空牆新雨後泥香小徑落花餘
耽閑會遣形骸累向老全將世味疎風滿北牕清夢覺翛然心境上皇初
雨後夕涼東友人

山中向夕雨初收窓戶無人熠燿流鳴杵幾家臨積水征鴻一片度危樓
涼陰滿地梧桐月露氣涵香薜荔秋誰道平生甘寂寞夢闌偏憶太平遊
暮春卽事

塵事勞勞兩鬢霜愁將清鏡閤年光磨礧歲月歸吟社檢束生涯入醉鄉
草引閑情頻悵望蝶隨春夢屢悠揚覺餘一啜茶甌罷短笛清風正夕陽
陳安

安字克盟人

高大使吳淞歸興圖

楓落吳江白雁飛天涯遊子正思歸香消夜月青綾被涼入秋風白紵衣
江浦蒹葭含宿雨驛亭楊柳帶斜暉分明記得西湖上載酒蘭舟近翠微
中秋有感

畫省曾陪冠蓋遊華筵詩酒宴中秋星河不動天如水風露無聲月滿樓

皓齒纖腰催象板珠簾涼影上銀鈎于今寂寞江城暮烏帽西風嘆白頭

題高理瞻所藏小景圖

昔年爲客楚江邊雨霽江南二月天楊柳畫橋深淺水桃花春岸往來船
新篳白酒浮杯醖旋買青魚出網鮮因見畫圖驚舊夢東風吹而鬢蕭然

鍾廉

康字用正臨川人

哀完者公

汝上孤城破將軍百戰餘敵勦非劇孟請援失包胥鼓竭悲風勁弓摧落
月虛水盤加劍處徽纆重歎歎

鄭昂

昂字處抑永嘉人

次復登華蓋山

野老憂時淚不乾海天低燕麥風寒秦關土蝕銅牙弩漢殿月明金井闌
共喜寇恂重借賴自慚李愿未埽盤江山如畫人如玉破帽空悲管幼安

林處士幽居

山籬短短逕斜斜
屋宇三間竹半遮
歲饑無僧供菜把
天寒有鶴守梅花
武陵流水非秦世
姑孰青山落謝家
共約春晴草芽動
杖藜携酒踏晴沙

陳訓導燧

燧字民初永嘉人
元末福建行省左右司員外郎國初授廣州府訓導

送邵鍊師歸江陰

青門隱者人不識
騎鶴來尋華蓋君
姪女夜棲丹鼎火
王妃春繡紫衣雲
愁聞南國旌旗暗
愛聽中天歌吹分
此去玄都舊時路
桃花紅雨正繽紛

別景大

力疾微吟首蒼蠶
忽聞君已駕征鞍
江湖千里去來易
故舊一樽離別難
荒草馬蹄山色遠
古藤松樹井陰寒
錢塘風物歸吟稿
須倚山翁洗眼看

吳學禮

學禮字樂清雁山人

郭外夜歸

艸田高下亂蟲鳴
涼襲衣襟夜氣清
河漢橫秋平野闊
山窗無月一燈明
孤蓬倦倚難成夢
宿鳥相呼忽轉更
近郭不妨歸近夜
到門猶有讀書聲

泊橫春館

枯葑水消水路遙
短長亭下一停憐
寒煙兩岸客炊曉
殘月小橋人待潮
山外鐘聲何處寺
柳邊春入隔年條
到城不必爭先後
華蓋峰頭手可招

重過南浦

萬里澄江浸碧天
迢迢人上渡頭船
柘煙旋滅蠶成繭
梅雨微晴樹欲蟬
獨客有愁多近暮
亂山無處不聞泉
枳籬門巷依然在
落莫東風二十年

秋晚書懷

數點寒鴉日又西
轉寒天色易淒
迷青山半出烟涵郭
紅葉亂流霜滿溪
半壁秋燈吟對影
故園夜雨夢扶犁
山人飽聽農歌臥
但願年豐穀價低

湖邊會飲

林價年平易索醪
西風野店快持螯
門疎楊柳前峯見
瓦上藤花破屋高
時異最傷髮婦緯
歲寒方重故人袍
小舟待月同歸去
橫直沙頭挿短篙

路傍草

路傍草路傍草古
路迢迢生不了
百年金谷夕陽天
萬里沙場霜月曉
古路今路一樣平
踏來踏去重青青
吾知此草踏又生
莫教古路無人行

徐淮

淮字原澤永嘉人

送萬敏中之金陵

買舟又上金陵去
風物應憐庾信才
舊燕能言王謝事
夕陽空照鳳凰臺
江邊商女猶教曲
店下吳姬正壓醅
紫府青臺風雨近
莫因登眺久徘徊
登松臺清秋有感

欲澆磊何惟憑酒
竹葉滿樽翻綠波
欹帽正當風力緊
吹簫無奈月明何
高林紅葉得霜醉
故國青山入夢多
客子長懷有誰識
凭高一咲付清歌
偕劉景玉周元浩携小妓遊于坡上忘形劇飲故賦此

馬如遊龍車若水
劉郎周郎玉相倚
柔風暖日故蒸春
紫燕黃鸝自相語
先生染筆寫烏絲
美人持杯唱金縷
醉來爲愛落花多
急掃蒼苔坐紅雨
與劉景玉安固泛舟

雲平水暖魚吹浪
雨潤泥香燕啄花
着面東風濃似酒
扁舟流過白鷗沙
客舍春暮

蜂兒釀蜜心方醉
燕子營巢語未安
開戶不知春事老
滿簾風雨落花寒

沙可學

可學永嘉人

詠懷二首

疏鑿功成王氣衰九重端拱尚無爲
貪夫柄國忠良沒巨敵臨郊社稷危
萬里朔雲沙漠漠六宮禁御草離離
金輿玉輅無消息腸斷西風白雁飛
獨上高城望遠郊雁飛黃葉下蕭蕭
天旋西極餘燐照江湧狂波作莽潮
塵世百年雙鬢改鄉關萬里一身遙
何由從獵灤河曲霜冷弓強鐵馬驕

趙次誠

次誠字學之樂清人

偶成

村南誰唱飯牛歌我正歸畊洗綠蓑
鷗鷺灘隨山意轉鶯花春背老懷多
文當覆缶亦天爾飲不盡樽如月何
翠羽聲微天欲雪古梅樹下醉婆娑

溪居晚酌

主人呼酒開新屋綠水遶門光沈寥
山氣隔溪渾似雨沙禽喧浦欲生潮
江人擊鼓祠荒廟野客戴花歸斷橋
拂石閒吟待明月茶煙如縷竹蕭蕭

早梅

江南冬十二月溪上梅三兩花載取小舟香影月明自棹回家

李廣文延興

延興字繼本東安人先世河南人元初占籍北平父士瞻前翰林學士承旨封楚國公少以詩名至正丁酉中王宗嗣榜三甲進士授太常奉禮兼翰林檢討中原倣擾隱居不仕河朔學者多從之以師道尊于北方有一山文集其自敘云歲壬辰爲雄邑招致親夏楚事又有移教房山留別雄縣周尹詩繼本辭官設教士友咸稱廣文先生不稱故翰林元季崇師重道其流風可觀也又云洪武乙卯典邑校於涑以口耳之學爲桐子師丁巳秋得告還里戊午夏永清劉宰招致攝其鄉學國初學官聽郡邑長吏推擇名傾爲之故繼本雖元亡不仕猶出典邑校也畿南志皆未詳故志之

福源精舍

京城六月日如火風軒散髮執書坐頓嫌城市多煩囂欲買田廬何處可素几茶甌吹碧香有客敲扉偶相過爲言越中好山水厭土膏腴不偏頗魏氏之子文貞孫玉樹臨風色瑳瑳讀書澗水之東頭蒐今撫古以自謀

見蓋湖光白湧雲福祈山氣古平座三江帆上莫天長八月潮平秋水大
行遶欄後長如人月黑林昏盜山果桃源人家疑此是洞口雲深晝無鎖
白壺滿醉江南春擊缶高歌兒子和西蜀小陵怕苦吟南陽武侯尚高臥
文貞昔在貞觀中人節堂堂不終挫好將舊學佐朝堂行見英風振頑懦
索居何日賦歸來盡理遺書載輕舸我昔耕牧峴山陽門前水田足杭糯
十年道阻不可歸江上秋風茅屋破舊栽松柏定成林石牆竹梢添幾箇
向來耆舊安穩無每一思之淚交隋福源林壑倘見分卜隣擬住山之左
客歸好語仲遠君歲晚寄書煩報我

漁陽客邸

城外雲山濃侶綺屋裡琴書靜如水石爐添火試松香裊裊雲飛不起
天涯倦客此停驂茶竈煙銷舊隱几奚奴呼覺日平西一片秋聲響窗紙

題画

山翠浮空初過雨山麓晴雲散芳渚霧合長林生曉寒人家更在林深處
湖泉六月翻松根石洞千年隱仙侶有誰共夾橋中來無人問路桃源本
白煙遮盡青林花野寂寂香應可茹清幽不賦山之陰只欠蘭亭列觴俎

誰乎寫此怪而奇，莽莽雲山入毫楮。細看猶有遺恨處，胡不著我山之墅。
我生本是丘壑姿，誤落京塵幾寒暑。小時耕牧峴山陽，間從野人學種樹。
門前魚浦啼竹禽，屋上鷓鴣走松鼠。獨行採藥日昇暝，纔得芝朮一斗許。
縱令服食不得仙，何若長年藝禾黍。小村秋晚雞正肥，大甕春浮酒新煮。
老翁醉舞兒子歌，笑語諠譁忘賓主。此樂不見十許年，兵火煌煌照南楚。
思婦見画萬感生，悵望風飄橫浦水。時清卽好謝官歸，全家移向山中住。

早過五門

霜白掖樓曉寒鴉，城上啼微雲閣闌。外斜月建章西，憂國心常切成功計。
轉迷十年京闕下，貧病尚羈桎。

望海虞山得蹤字

青山秋萬疊，詩寫晚愁濃。瀑斷峯頭路，雲藏谷口松。藥爐丹氣上，經藏碧
苔封。誰似仙翁靜，階前掃鶴蹤。

和陸公九日韻

秋聲橫笛外，曉色画屏中。黃菊雙頭小，青山四面同。船衝官渡雨，木落市
橋風。十日燕臺路，途窮興不窮。

窗燈

窗燈搖影細城柝報更遙白髮愁偏重丹心老未銷雲陰籠月薄秋氣挾
霜驕歸思如江水滔滔逐逝潮

春日郊行

岸柳含煙碧山桃噴火紅長松落姓雪薄袂受暄風伐木隨樵子携錢
酒翁猶勝狂阮籍白首哭途窮

讀賈誼王粲傳

白髮悲王粲青春羨賈生萬言詞慷慨一賦氣崢嶸弔屈心猶壯依劉恨
未平懷賢坐長夜斜月半牕明

和友人韻

四首

亂臣傾廟社禍本久胚胎萬里金城壞千原鐵騎來人心今日異天意幾
時迴痛哭英雄老淒涼臥草萊

恩幸千年遇艱危一旦遭人材淹草莽勲業付兒曹死戰酬明主兼金買
佩刀歸來衣甲破蟻虱費爬搔

片黑妖星現雲紅戰火燃臂連終蹈海樂毅又辭燕痛哭懷明主佳時倚

大賢那堪頻眺望白雁落霜天
秋氣滿龍漠君王忽遠巡旌旗照天地哀痛著絲綸雨雪迷青野風雲動
紫宸汾陽忠烈大一戰熄兵塵

詠懷

丙申歲作正首

白首殊方客奔馳戎馬間時危憂母老歲晚寄書還凍雪連荒野寒雲出
亂山蒼茫西日外痛哭倚柴關
辛苦憐吾弟荒山久避兵素書連月斷白髮滿頭生雪翳窗燈影風涵戍
鼓聲沉思憂百結寂寞度殘更
妻子何時見淒涼病轉侵虛傳千里信已負百年心短帽飛霜滿空階落
葉深白頭吟正苦回首淚沾襟

夕次同川

鴉噪晚涼天新晴景豁然柳橋通水市荷港入湖田鷺影沙頭月人煙渡
口船相過又相別書到是明年

秋日襟興

飛樓上倚沈寥天野色荒涼萬井煙落日荷花白舫外西風桂樹畫闌邊

明妃夜泣琵琶月宛馬秋肥首霜田千古河山幾爭戰一登高處一潸然

贈時中

白首相逢寥落中失聲一哭莫途窮
霏霏江草愁邊綠寂寂宮花夢裏紅
海微歸心懸夜月柴扉病骨臥秋風
人情任逐東流水爛漫金樽莫放空

河上

宛宛寒山入暮烟河流直到寺門前
店頭買酒風吹幔浦口叉魚雪滿船
翻覆世情堪大笑寬閒野屋得清眠
虛堂月色明如晝獨坐清彈五十絃

題萬松金闕圖

袞冕曾迎鳳駕來煙沉金闕半蒿萊
霞蒸日氣紅初上雲壓松陰黑半開
玉井靈龜龍起蜃虛窗笙響鶴飛迴
前朝事往雲無跡愁聽江聲入夜哀

挽張及民老先生

寂寞城南一畝宮百年遺響寄孤桐
巢由杖屨雲山外陶阮生涯酒榼中
詞聲磊落然夜雨墓門翁仲嘯秋風
招魂不隔盧溝水淚灑霜林萬葉紅

題華虹亭壁

金樽綠酒蕩晴空花壓雙鬟舞袖紅
莫唱何堪渭城曲銀箏嗚咽怨秋風

送白楊長老

鶴隨金錫忽飛還，踏徧吳雲越樹間。一髮遠峯斜日外，認來多是九華山。

李徵士存

存字明遠，更字仲公安，仁人，穎悟該博，與貴溪祝蕃遠游，上饒陳明遠之門。三以高蹈丘園舉，李祕書舉以自代，皆不起。洪武中年卒。有《埃菴集》。
古意時官軍西征二年未利有感而作

秋風一雁過彎弓，登西樓臂弱弓不滿。天高雁難求，吁嗟流沙外風雨何時休。三夜頻夢君焉知，沉與浮況聞霍嫖姚已拜萬戶侯。

贈李唐經

平生尚友心，每欲盡今古。子來適我願，一笑與之語。林深夜闌坐，片月落襟屨。雖無滿壺酒，足洗千劫慮。明年訪廬阜，子肯從我去。

西風雖無情，落葉不自惜。高興況有遠來客，起行西窗外覓句了，不得共看天上雲。纖纖薄而白。

雜詩三首

老去無所爲，結廬在竹莊。竹莊荆棘深，宿昔狐兔藏。豈無江海願，齒髮不

足償生則居菴中死則埋菴傍

秋日方杲杲獨行溪水干紛然浣紗女及此清未寒相語有相厲歲晏霜雪繁誰云陶唐風遠矣不可還

慕古既多沮從俗寧可安吾冠方委塵政爾不必彈群醉敢獨醒孤芳若爲園秋風況無情最解吹年顏

題王氏笑閑亭

笑者不必閑閑者不必咲能笑又身閑涉世何爾妙利名浩於海好惡險成微躋攀有亡命憤鬱或大叫癡如蟻旋磨饕若魚上釣不知歲月往以死復誰誚之子素相聞磊落年尚少構亭頗軒豁勝槩得其要幽花淡無媚新葉光相照倚欄皆可樂百事弗前料嗟我玩陳篇兀兀老蓬蓬雙眉久不展有臂莫能掉山根晚雲薄誓欲隨荷篠倘子不疵瑕拂衣共登眺

寄題汪氏退密菴

紫陽汪大夫未老先致事經營百年藏結菴自休憩扁之曰退密有取於易紫相望千里餘一笑問以偈云何謂之退密也果何地若言早休官眼底非一二身雖似閒暇心或未能止若言四大離蓋棺事則已紛紛長夜

吾肯悟還密肯非但如上一目之所視夫人皆可能何取密之義大夫
天下士未必只如此菴傍皆高山外卽清泚晝飢隨粥飯夜則伸脚睡
平生易甘苦一一皆夢爾不睹不聞心從來白於水試語菴中人如是不
如是

昔年

昔年有語雙白頭弃我忽作齊梁遊雲鴻不飛音信斷寶鏡塵昏秋髮亂
君心一去如飄風妾心死與黃河東清霜昨夜入庭樹欲寄寒衣不知處

美葛子熙

臨川葛生朴且文負檐有力能辛勤家貧妻死母又老短窗挾策長云云
忽思句讀送日月曷若江湖勞筋骨高碑大碣處處有篆楷草行兼八分
畫長院靜手自打襟袂染煤常若熏旁搜遠取到川陝況乃閩湘江之濱
通都大邑逢好事羅列古雅踰幾繡相酌金帛不論直豈比市井爭鈞斤
收藏圖書家若府下者秦漢高華勛春初過我因細論絕勝待食如牢獊
四方達士一時見野店濁醪常半醺顧余髮齒久希豁脫簡尚閑徒逢芸
何當一竹兩芒屨共逐溪山秋半雲

早起

短髮梳殘月輕裳試曉風無言
似道多病欲成翁竹簡聊千載
藜英亦萬鍾昂昂非自異瑣瑣得無同

別黃俊昭

歸矣黃夫子清愁葉葉風深知
疑我獨無補與人同天地年年老
江河日日東相思有新語并寄鯉魚中

甘布衣復

復字克敬餘千人至正之亂張仲舉
僑居雲錦山中克敬與甘彥初張可
立往從之游仲舉少計可獨推重三
君國初皆以前元遺才爲士林推重
彥初詩多流傳克敬集成化中同里
趙琬刻之惟可立不著

宿山家

木落秋滿山牕虛夜涼集風吹海
月生露洗苔衣溼野客愛清冷長
飄眠中汲

晚至陳氏館

虛煙散華池高蟬暮聲咽落景對
閑眠新秋入華髮素懷愜幽賞微
颺洒

林末爲愛竹間涼相過步庭月

曉出西園由谷中歸

披褐涉西園煩襟散清曉微風動高樹零露下芳沼始行幽谷中忽出青
林傍流水漂餘花修筠度啼鳥身緣翠石迴思逐白雲杳負杖孤賞懷春
闌絲陰悄

華布衣幼武

幼武字彥清無錫人家甚富師事陳方子貞爲詩子貞戲題其藁曰黃楊
謂其愛詩甚篤而奪於多事未肆然爲之如黃楊之色潤而不長也彥清
遂自命其集爲黃楊不以子貞之戲爲憾君子多之

用道士韻寄彥忠

愛汝題詩枉問安依依應念得無寒江魚滿尺長相致沙雁成行本不單
山逕虎蹄新跡亂風林雞語曉光殘此時何限馳驅意小字渾宜反覆看

宿隱微山房

二月蘭舟泊上宮春雲不雨玉壇空苔生白石斑斑綠魚養丹池箇箇紅
對酒燭分花底夜出簾香散竹間風高寒未覺仙臺遠只比相逢似夢中

寄趙易隱高士慶雲岡上人

昨宵風雨釀春寒曉色開晴露未乾
碁局定須尋李遠杖藜還肯過蘇端
緇經坐榻呼龍守點易虛窓倩鶴看
雙飛鳬挽飛錫樵蘇不費罄交懽

秋夜有感

澤國秋來夜氣涼飄零猶自未還鄉
蟬泣露梧桐井絡緯縹風薜荔牆
只尺故園千里夢亂離華髮十年霜
仲宣樓上長迴首烽火連山欲斷腸

葉樵雲頤

頤字伯愷金華人元末隱居不出自號雲顙
天民至正庚子自刻其詩曰樵雲獨唱
洪武中舉進士官行人司副免官家居授
徒甚衆

讀宋徽宗北狩龍沙賦忍聽羌笛落梅花樂府

一聲羌笛咽龍沙萬里燕雲獨夢家
吹入中原都是恨如何只怕落梅花

春雨晚霽

東風吹雨作絲輕
勒餘寒放晚晴
滿地濕雲收未盡
一簾花影不分明

述懷

貌古何妨笑語新
寧憂勳業鏡生塵
芙蓉露下三更月
簷蔔風前七尺身

偶爾忘懷非造理或然閉目獨凝神老身迂懶無迎送高卧從人話隱淪

春曉

數點滋花雨未乾弄晴紅日上闌干杏花梢上風微動着意吹人也不寒

感懷

天步艱難日人情同背秋愁無醫世術喜免抱官囚發憤尋青史消愁數白鷗草廬諸葛輩幸出爲時謀

朱朝列希晦

希晦樂清人元季有詩名與四明吳主一篇臺趙彥銘稱雁山三老國初召至京師授朝列大夫不受歸幅巾短策游咏林壑有先代遺民之風有雲松巢詩二卷

感懷

自嘆頽然一老翁十年奔走鬢飛蓬中原虎闕干戈滿四海人憂杼軸空葛亮平生恢復計汾陽材略中興功何當遠望春陵郭佳氣朝來正鬱葱

自嘆

匠石搜林棄樗散不材何敢玷簪裾家貧竊有千金帚國難曾無一箭書

今日總戎師管葛明時徵士用嚴徐野人不作功名念欲効陶朱共養魚
徐舫

舫字方舟桐廬人少與劉誠意遊誠意被徵過桐廬邀之同行方舟荷簑
笠以見縱酒賦詩而別築室江臯天大雪獨泛舟釣江中日夕不肯去以
此終其身宋景濂銘其墓曰明詩人徐方舟

白雁

出塞風沙不浣衣
分秋色占鷗磯
遠書玉宇傳霜信
斜落銀箏耿冷暉
楚澤雲昏無片影
湘江月黑見孤飛
當年繫帛還蘇武
漢節仍全結首歸
桐君山

仙馭乘鸞去不停
青山依舊抱荒城
風香藥草春雲暖
露冷桐花夜月明
縣近故廬堪認姓
鶴歸華表自呼名
千年往事俱塵土
時聽樵林吹笛聲
張洙

洙字宗魯錢塘人王梧溪之友

辛丑十一月望日藻仲宗弟率諸生抱琴見枉草堂藻仲偶得風
雨抱琴良不惡之句子愛其深得興體因足成唐律

風雨抱琴良不惡，連牀尤盡故人情。書狂屢遣供佳札，飲少惟愁闕巨觥。
夜月忽於梅寫影，寒雲不礙雁流聲。看君却憶誰相似，飯顆山頭太瘦生。

南村圖爲陶九成作

南村老人清且癯，閉戶十年工著書。諸生解問楊雄字，使者空求顏闕廬。
推牕山在夕陽野，掃徑柳垂春水渠。卜隣若得從吾願，日日抱琴無日虛。

盧煥

煥雲間人

寄張藻仲

草堂又是經旬別，江上梅花欲放春。兩閱尺書煩見問，幾時尊酒復相親。
夜琴橫月彈山鬼，曉雁呵冰寫谷神。門外雪消春水滿，往來舟楫不妨頻。

馬弓

弓字本勁會稽人以春秋領鄉薦

赤烏碑

江勢今從別處回，斷碑無復舊崔嵬。要知三國當時事，須信重玄此日開。
凍折龜趺春作夢，爛侵魚腹夜生哀。鸞停鵠峙何由見，除是波神許載來。

陳檜

古本凌空百尺過根盤如石鐵爲柯濃陰不礙金蓮座虛籟猶傳玉樹譔
倦客解衣頻徙倚老禪卓錫定摩挲雲門寺裏梁朝柏身上苔痕想更多

錢珝

岳字孟安吳興人元季徙居雲間任亳縣丞

赤烏碑

名利高開滄海邊鹽碑新建赤烏年悲涼斷刻三江底想像雄文六代前
潮落雁沙看古篆月明鰕渚弔枯禪中興賴有周郎記回首吳陵慘莽煙
周郎謂周弼

陳檜

上方雙檜鬱岩嵒不逐禎明玉樹彫雲擁鶴巢冥海暗火枯龍骨良官掃
深根入地應千尺老幹擎天已十朝夜半木精聽說法昔年亡國恨都消

鰕子禪

舉世爭傳野衲疑啖鰕聊復見神奇十千天子俄驚活五百聲聞總未知
落日胥村波渺渺秋風蕭寺草離離只留千古空龕在靈跡蒼茫不可窺

鄧處士卷

養晦號雪樵萬安人元末避亂龍頭山中明興返故廬堅臥不出其詩有
日謝安原輔晉李密固興唐其志可知也嘉靖中後人岐刻其遺集

王氏招飲席中有感

憶昔至正全盛時朱門豪家多亭池池邊女兒縱遊賞新粧照水明玻瓈
春風淡挹芙蓉渠黃鸝嬌轉垂楊枝整日歡聲無暫歇攜手花間撲蝴蝶
晚火龍帶迎香風晚酌金壺邊夜月珠簾繡幙花氍毹盡閣朱樓紅地爐
繁華一去查難留空有閑花飛片片玉堂夜夜客鳴珮人生在世若大夢
吁嗟易老成蹉跎君起舞我當歌青春去矣難再過美人如花不長好黃
金白璧徒云多

野館

安穩桐溪上時危久索居蟻穿庭下穴蝸篆壁間書野水臨秋迥山窓映
月虛十年戎馬亂歸計定何如

郭處士完

完字維貞莆田人元末隱于壺山以教授生徒爲業與方時舉用晦等十
二人結社完卒自爲壙志用晦與吳源王孟寬爲管葬有詩哭之又有陳
誠中輓詩曰有妻正斜被無子紹殘編東野詩名在樊川佚稿傳

方士志耕隱

雨衣製青荷雨笠編新擇斯人沮溺流日晏猶耕作今年擬有秋烹羊祭
先穡招我食力徒斗酒聊取樂酣歌擊瓦盆昨晚牛生犢

山中卽事

數日別江渚抱琴過竹溪山深黃耳遠日落画眉啼識字今何補懷家計
亦迷明年與妻子春雨學扶犁

送馮西美歸三山

摘仙岩下曾相見沙合橋頭杜宇啼白髮故人官滿去一簑寒雨上春犁

方布衣炯

炯字用晦號杏林布衣

哭郭滄洲

破屋滄洲上清貧獨可憐書存無子讀詩好有僧傳葬卜中元夜墳隣北

際邊窮交空白首莫贈買山錢

莒溪耕隱

莒溪環翠入瓢湖古木雲莊卽舊居每種林田秋釀酒剩收桐子夜觀書
雪晴度嶺聞騎犢客至沿溪旋打魚老我塵中無隱處借君餘地着茅廬

列朝詩集

甲集前編第十一終

列朝詩集

甲集前編第十一

張典寶璧

送曹弘道吳

螺女江頭春水長年年送客折垂楊多愁怕送東吳客只爲東吳是故鄉

顧侍郎遠

海上竹枝詞七首

大湖東來滄海西四十二灣江漸低源頭受得浙間水不放渾潮淤作泥
江流兩岸盡平川齊如雲樹若煙不是青龍任水監陸成溝壑水成田
沙田疲瘠快秋登家計渾如水上水今日新食河泊戶阿儂準備學攀豎
平川多種木棉花織布人家罷緝麻昨日官租科正急街頭多賣木棉紗
黃浦西邊黃渡東張涇正與泗涇通航船昨夜春潮漲百里華亭半日風
大浦橫塘九里灣番潮船上晚潮還儂心恰似東流水直到海門無日閒
泥濘祠荒古埭平東西蘆浦荻芽生袁崧何時防海處何物孫思敢弄兵

王縣丞澤

題方道人壺隱詩

仙城芙蓉青匝溪澗蕭瑄館開浮簾飛覽仰空不可躋青壁並上緣金梯
仙人星冠紫霞服萬劫不死中冥栖山中芝田春雨熟綠葉如掌人參齊
君曾學仙鍊仙骨丹經夜讀燈燃華星榮焚雲月澹桂樹露濕青苔啼
東來却訪赤松子溪上白石猶眠猊仙人爲惜別意遠水墨寫盡仍歸
仙山本似玉壺好別貯天地無端倪只愁洞口綠煙滿咫尺春洞荒花
君今東遊幾千日青鞋已流人間泥豈無黃精掃白髮落山步接紅雲
每從畫裏見山水但覺接接隨離離山中仙人定相憶海鶴頭倚青雲
歸時爲問守門虎藥成分我幾刀圭

董微士佐才

方寸鐵爲盧丹丘賦

方寸鐵百鍊剛火毛劍鋒秋水光鐫勒妙疑卻竹房倒薤文連環紐通候
紫索懸肘後伏蹕踈蟠螭首頌德紀功垂不朽鐵名已著霜滿顙復將鐵
業傳二雛勿割元祐黨勿刻鈴痕符何如往補石經漏萬古六書存楷模
天下英雄知所趨伊維之力丹丘盧

李廣文延興

送李順文

維齊古青州其地山水秀嘗遭國大侵夾輔猶腹肘宅土稱上腴財賦等
湖右奇聞久乃墮完城失封守妖盜起潢池跳梁哀林樾白晝燒通衢胡
馬相踐蹂屋化飛塵灰莽莽草木茂往年大姓家存者無八九兵興歲無
虛積事廢南畝紛馳赤白囊烈飭徑何有上貽國之憂軫念夜達晝簡師
行天誅岌岌不敢後秦中出精甲長道屈群醜言言七十城易若摧瓦缶
大野炮烽烟多士釋介冑兩河關梁通中原絕紛紜行者如蠅旋居者如
幅湊濟南李徵君累業文獻舊躬耕食其力園田如錯繡自經喪亂來避
地東西走艸食面削爪布絮體盈垢先師有遺文一一付君手萬死逃一
生收藏免脫漏吾嘗觀其書篇章燦瓊玖讀之京華館霜月動虛牖將
刻藁梓上儼鍾鼎壽古稱賢弟子君乎實無負始于未相識聞與則已久
昨枉過山齋衡扉竹外候吐飯欣接之笑語忘辰酉論議悉超絕白日雲
霧剖讀書不窺園焚膏在研究巢由尚羊裘祿仕不掛口營之天馬駒不
肯戀棧豆漿糧出都門歸期迫夏首春容耀桃李川色潤枵枵太行入青

雲千峯淡如帶黃河浪卷天風雨怒蛟吼路經百載場青苔白骨朽抵家
拜丘墳狐狸上荒阜俯仰成古今野哭雜山溜莫傷門柝寒晚節當大就
立言紹前脩蚤夜獵文囿爲國植英材民俗盡歸厚我家漢水上簪別處
尚幼難危十餘年骨肉知在否君歸我何如涕泗滿衣袖執手河之干臨
風一觴酒人生會合難豈不懷親友相期保令名良時不可又
葉燾雲頤

月夜梅邊卽事

杳杳寒雲滿溪月明津渡人迷夢入江南舊路夕陽流水橋西
與故人序別

六尺形軀消瘦十年故傳西東試問古時宮柳近來幾度春風